



ERREPORTAJEA

Tikimedia



Gazteetxoiei egokitutako entziklopedia

Tikimedia haurrentzako Wikipediaren aplikazioa aurkeztu dute. IOS eta Android sistemetan erabil daiteke, eta aplikazioa lortzeko lotura Tikimedia.eus-en dago eskuragarri.

Interneten argitaratzen den eduki askako informazio gune erraldoi bat da Wikipedia. Munduko edozein txokotatik, edozein unetan pertsona orok du Wikipedian edukia sortu eta jakintza partekatzeko aukera. Jakintza esparru guztietako edukiak biltzen ditu entziklopediak, eta gaur-gaurkoz 291 hizkuntzatan ditu edukiak eskuragarri.

Informazio biltoki birtual horrek badu haur eta gazteetxoiei egokitutako adarra: Tikimedia. Gazte entziklopediak eta Wikipediak funtzionamendu eta helburu berberak dituzte: edonork sor dezake edukia, eta horrela elikatzen da entziklopedia birtuala, mundu osoko wikilarien lan bolutarioraren bidez. Halaber, hizkuntza egokitu darabilte Tikipediako orriak sortu eta elikatzen dituzten wikilariak, gazteetxoentzat ulergarria den edukia prestatuz.

Ordenagailutik sakelakora

Hedatuz eta haziz doa Tikimedia eguneik egunera, eta urrats berri bat egin du orain: ordenagailuko pantaila-

tik sakelakora egin du salto. Sakelako telefonoetarako aplikazio bat aurkeztu du Euskal Wikilarien Elkartek Co-desyntaxekin elkarlanean. Aplikazioa deskargatzeko loturak Tikimedia.eus-en daude eskuragarri, eta Android zein IOS sistemetan erabili daiteke.

2018an jaio zen Tikimedia, eta, batzere, 8-13 urte bitarteko gazteetxoiei zuzenduta dago. Euskal Wikilarien Elkartek Wikipediaren bertsio laburtu eta sinplifikatua sortzea erabaki zuen, zenbait artikululu luzeegiak, korapilatsuegiak eta zaliegia izan daitezkeela iritzita. Era berean, Tikipediak badu 2006an Frantzia sortutako aurrekari bat: Wikidia. Gazteetxoiei egokitutako eduki faltan en kezkatik tiraka 2015ean sortu zen euskarazko Wikidia. Orduan, frantsesezko eduki asko euskaratu eta moldatu zituzten.

Sorreatik gaurdaino 2.700 artikululu inguru biltzen ditu Tikipediak. Naturra, kultura, zientzia, gizartea, kirola... hainbat arlotako jakintza topa daiteke. Era berean, pertsonaien sozialiak eta biografiak, kontzeptu orokorren inguruko deskribapen eta azalpenak eta gai orokorren bueltako bitxikeriak aurki daitezke Tikipedian arakatzan. Izan ere, hitz, kontzeptu eta



Urdiaini buruzko Tikipediako orria sortu duen haur taldea. EUSKAL WIKILARIEN ELKARTEA

Wikilariak gazteenak

Sakanan, hain zuzen Urdiainen, daude inoizko wikilariak txikiak. 2019ko amaieran Euskal Wikilarien Elkartek Sakanako Garapen Agentziarekin garatutako proiektu baten emaitza izan zen 6-9 urte bitarteko urdiaindarren parte hartzea. Haurrek euren herriari buruzko informazioa ikertu, sortu eta idatzi zuten. Lehenbizi, Urdiainen inguruan Wikipedian zegoen informazioa irakurri eta ulertu zuten gazteek, ostera, Tikipedian bertsio propioa osatu ahal izateko. Ariketa horren bidez, zenbait alor landu zituzten Urdiaingo gazteek: informazio bilaketan sakondu, elkarren artean komunikatu zalantzak argitzeko, segurtasun informatikoz ikasi eta eduki digitala sortu dute.

izen berdinek bi bertsio dituzte: batetik, Wikipediako artikululu luze eta zehatzak, eta bestetik, Tikipediako egokitzapen bakunagoa, lexiko, egitura zein gramatika aldetik. Askotan, eskolako lanak egiteko baliatzen dute haur eta gazteetxoek Tikimedia. Eduki hori jaso ez ezik, sortzaile ak-

tibo ere bihurtu nahi dituzte gazteetxoak. Edukiak hutsetik sortu edo da goeneko hasita daudenak osatu eta zuzentzeko aukera ematen du Tikipediak, eta 8-13 urteko gazteak edizatzen ikasi eta ekarpenak egiten jakitea da sortzaileen beste helburuetako bat.